



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«20» Օգոստոս 2020թ.

ՈՐՈՇՈՒՄ N 3076-Ա

ք. Երևան, Ս. Դավթի 87Ա

ՎԱՐՉԱԿԱՆ ԱԿՏՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով ֆիզիկական անձ Արման Վրեժի Մարտիրոսյանի վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային պարտավորությունների հաշվարկման վերաբերյալ տեղեկանքի ֆիզիկական անձ Արման Վրեժի Մարտիրոսյանի (ՀՎՀՀ՝ 25438642, ՀԾՀ՝ 2514910854, հասցե՝ ք. Երևան, Քանաքեռ-Զեյթուն, Գոգոյի 9 2., 13 բն.) չկատարված հարկային պարտավորությունը 27.09.2019 թվականի դրությամբ կազմել է 67.110 դրամ, որից ապառք՝ 60.000 դրամ, տույժ՝ 7.110 դրամ, որն առաջացել է ֆիզիկական անձի կողմից 2018 թվականին շարժական գույքի օտարման գործարքի արդյունքում և ՀՀ հարկային օրենսգրքի (այսուհետ՝ Օրենսգիրք) 401-րդ հոդվածի համաձայն հաշվարկված տույժերից:

Վերոնշյալ պարտավորությունը գանձելու վերաբերյալ 19.12.2019 թվականին կայացվել է թիվ 3076-Ա որոշումը:

Օրենսգրքի 140-րդ հոդվածի համաձայն՝ ֆիզիկական անձը, հանդիսանալով եկամտային հարկ վճարող, նույն օրենսգրքի 156-րդ հոդվածի 4-րդ մասի 2-րդ կետի համաձայն պարտավոր է մինչև յուրաքանչյուր հաշվետու ժամանակաշրջանին հաջորդող հարկային տարվա ապրիլի 20-ը ներառյալ Օրենսգրքի 53 հոդվածով սահմանված կարգով հարկային մարմին ներկայացնել Օրենսգրքի 151-րդ հոդվածի 3-րդ մասով սահմանված եկամուտների մասով եկամտային հարկի տարեկան հաշվարկ և վճարել դրա արդյունքում առաջացող հարկային պարտավորությունների գումարը՝ համաձայն Օրենսգրքի 158-րդ հոդվածի 2-րդ մասի 2-րդ կետի:

Հաշվի առնելով այն հանգամանքը, որ չկատարված հարկային պարտավորությունը գանձելու վերաբերյալ 19.12.2019 թվականին թիվ 3076-Ա որոշումը կայացնելուց հետո ֆիզիկական անձ Արման Վրեժի Մարտիրոսյանի կողմից ներկայացվել է եկամտային հարկի և սոցիալական վճարի 2018 թվականի տարեկան հաշվարկ, ուստի առկա են բավարար հիմքեր հարկային պարտավորությունների հաշվարկման վերաբերյալ տեղեկանքի հիման վրա 19.12.2019 թվականին կայացված թիվ 3076-Ա որոշումն ուժը կորցրած ճանաչելու համար:

Ելնելով վերոգրյալից և ղեկավարվելով ՀՀ վարչարարության հիմունքների և վարչական վարույթի մասին» ՀՀ օրենքի 66-րդ հոդվածի 2-րդ մասով

ՈՐՈՇԵՑԻ

Ֆիզիկական անձ Արման Վրեժի Մարտիրոսյանի վերաբերյալ ՀՀ ՊԵԿ իրավաբանական վարչության պետի կողմից 19.12.2019 թվականին կայացված չկատարված հարկային պարտավորությունները գանձելու մասին թիվ 3076-Ա որոշումը ճանաչել ուժը կորցրած:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Կատարող՝ Գայանե Թադևոսյան
ԻՎ ՀԳ ԵՎ ՊԿԱ քաժին, /հեռ.011 549191/9147/



ԱՐՄԱՆ ՄԱՅԱԿԱՆՅԱՆ



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am